



Future-proofing our children

Ditaelo tsa tumelo 2

Setlhogo

Di sakamente

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Di sakaramente**” Thuto ya ditaelo tsa tumelo.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	<p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p>https://bit.ly/3NACSSHS</p>
2.	<p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) • <p>Ela tlhoko:</p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45 .</i></p> <p>2.3: Thuto e lebaganye (SS1, R11 kana Tlhomamiso).</p> <p>2.4: O ka kopa thuso mo morutabana wa gago wa sekolo sa tshipi fa o tlhoka thuso.</p>
3.	<p>Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.</p>



Go ruta thuto ya sekolo sa tshipi mo lapeng

O ka ipaakanya le go ruta thuto e jang

Re tswelera ka go abalana maele a go ipaakanya le go ruta thuto e:

Kgato	Tiriso
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6.	Kwala dintlha tsa botlhokwa tse o batlang go di gakologelwa.
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa
8.	Ruta ngwana wa gago thuto ka go jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.



10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlotlhomisa ka thuto e gore o nne le kitso e e oketsegileng
4. Itshwaraaganye le mogokaganyi wa sekolo sa tshipi kana morutabana wa sone go go fa kitso e nngwe.



Thuto

Setlhogo	Di sakamente
Temana	John 3: 5, Acts 8: 14-17 and Luke 22: 19-20
Maikaelelo a thuto	Bana ba ithute ka di sakamente.

Tshoboko ya thuto:

- Lefoko “Sakamente”le tswa mo puong ya Latin e raya “boikano jwa go direla”.
- Disakamente ke ditiro tse di itshephileng tse Modimo a dirang botsalano le motho ka tsone.
- Ditiro tse di supa kgolagano e ntsha pele ga Modimo le batho.
- Disakamente di fiwa ka tsela e e bonalang, mme rona fa re di amogela di dira phetogo e sa bongweng mo go rona.
- Jeso Keresete ke ene a simolotseng disakamente mme di abiwa ka Thapelo le lefoko le le nang le thata le nonofo, go diriswa metsi, senkgwe le mofine.
- 1 John 5: 8 ya re: “Gonne go bararo b aba supang e bong Moya, metsi le madi. Mme boo bararo ba supela gongwe.” Mo go raya eng?
 - Ø Mowa o emetse kanelo ya Mowa o boitshepho,
 - Ø Metsi a emetse kolobetso ya metsi
 - Ø Madi a emetse selalelo se se boitshepho.
- Disakamente di botlhokwa go ntlafatsa motho, go mmaakanyetsa botsalano le Modimo o boraro – go tsena mo bogosing jwa gagwe.
- Disakamente tse tharo tse di a abiwa mo New Apostolic Church.

Kolobetso ya Metsi: (John 3: 5, Matthew 28:19-20 and Acts 8: 36,38)

- Kolobetso e e boitshepho ke karolo ya tsalo sesha, ebile e a tlokega gore re tsene mo bogosing jwa Modimo. Ka kolobetso Modimo o dira kgolagano le motho mme sebe sa tlohego se a tlhatswiwa. Re nna bakeresete mme re nne karolo ya mmele wa ga Keresete.
- Jeso le ene o ne a kolobetswa ke Johane wa mokolobetsi mo nokeng ya Jordan.
- Batho botlhe ba tshwanetse go kolobediwa go sa kgatlhalesege gore ba tswa kae.
- Mo kerekeng ya rona bana le bagolo ba kolobetswa jaana:
 - Ø Thapelo e a rapelwa fa godimo ga metsi ka leina la Modimo o boraro.



Ø Moruti o tsenya monwana mo metsing a bo a dira letshwao la sefapaano mo phateng yay o o kolobetswang. A bua mafoko a, “Leina la motho, ke go kolobetsa mo leineng la Modimo Rara, Morwa le Mowa o o boitshepho.”

- Yo o kolobetswang o ikana go tshela botshelo jo bo kgathang Modimo. Fa ban aba kolobetswa e nna maikarabelo a motsadi go fitlhela ngwana a tlhomamisiwa, b abo ba dira maikano ka bobone.

Kanelo(kolobetso) ka Mowa: (Ephesians 1: 13-14 and 4: 30)

- Kanelo ya Mowa ke go abiwa ga mpho ya Mowa o boisthepho ke mo Apostolo .
- Kolobetso ya metsi e tlhokafala pele ga kanelo ya Mowa.
- Kanelo ya Mowa ke karolo ya tsalo sesha; ke ntshafatso ya motho yo kafa teng.
- Ka kanelo ya Mowa montho o nna ngwana wa modimo fa a sena go ikana go:
 - Ø Go tshela botshelo jwa gagwe go tsamaalana le thuto y aga Keresete le ba Apostolo,
 - Ø Go latela Keresete le ba Apostolo ka tumelo
 - Ø Go amogela lefoko la Modimo le go tshela ka lone.
- Batsadi ba dira maikano a mo boemong jwa bana go fitlhela ba tlhomamisiwa.
- Re amogela Mowa o o boitshepho ka Thapelo le peo diatla k emo Apostolo yo tshelang (Acts 8: 14-17 and Acts 19: 1-6)
- Morago ga kolobetso ya gagwe Jeso o ne a amogela Mowa o o boitshepho, mme Modimo a tlhalosetsa batho gore ke ngwana wa gagwe. (Luke 3: 22)

Selalelo se se boitshepho: (Luke 22: 19-20, John 6: 53-57 and 1 Corinthians 11: 23-28)

- Selalelo ke sakaramente e simolotweng ke Jeso e le kgakololo ka dipogisego tsa gagwe.
- Gape ke moletlo wa go leboga le go ipela.
- Fa Jeso a tsaya senkgwe o ile a leboga, ka jalo phuthego e tla fa pele ga gagwe ka go lebogela setlhabelo sa gagwe.
- Fa re ja selalelo re amogela mmele le Madi a ga Jeso le go nna le nonofo ya go feny a bosula – go feny a sekgoreletsi sa go bona botshelo jo bosakhutleng.
- Pele ga selalelo re amogela boitshwarelo jwa dibe. (Re rapela Thapelo ya Morena, go tsweng foo moruti o re itshwarela dibe.)
- Go se amogela ka boitekanelo go tlisa botsalano le Keresete, mme re nne ba gagwe.



Thuto e e re ruta eng?

Disakaramente tse tharo di fiwa mo New Apostolic Church:

- Kolobetso ka metsi – ke tsalo sesha ka metsi e tlhatswang sebe sa tlhologo,
- Kanelo ya Mowa – go amogela mowa o o boitshepho ka peo diatla tsa Mo Apostolo le thapelo
- Selalelo – Re amogela mmele le madi a ga Jeso le nonofo ya go fenya bosula.
- Disakaramente tse tsotlhe di botlhokwa.
- Pele ga selalelo ke boitshwarelo jwa dibe.
- Go amogela disakaramente tse go botlhokwa gore motho a tsene ko legodimong.

Di sakaramente ke nngwe ya tshwaro ya Modimo e re e tlhokang go tsena legodimong.

Dira tekeletso 1, 2, 3 le 4 le ngwana wa gago

Thapelo y aga mme le rre pele ga thuto:

Modimo rraetsho re lebogela letsatsi le le lerato la gago.

Segofatsa mme le rre le baruti le ditsala tsa rona.

Re rapela gore re go tlotle e bile re obamele batsadi ba rona.

Re thuse go nna le lerato le gore re tseye mongwe le mongwe ka lerato,

Segofatsa thuto e gape re lebogela go bo o re tlhophile go nna ban aba gago.

Re thuse go nna boikobo mo go wena go fitlha o tla go re tseela gae.

Re kopa tsotlhe ka leina la gago le le tlotlegang. Amen

Thapelo morago ga thuto:

Modimo Rara re lebogela go bo o re file sebaka tsa go tsenelela thuto ya sekolo sa tshipi. Re lebogela go bo o re babaletse mo dikotsing

Re thuse go obamela batsadi ba rona le go nna lerato o re thuse le mo sekolong.

Segofatsa Mo Apostolo o mogolo, ba Apostolo le baruti botlhe. Ba babalele fa ba ntse bat samaya go tla go re fa lefoko la gago.

Thusa bana botlhe bogolo jang b aba senang se ba ka se jang le baba lwalang. Re kopa o tle o re tseele gae.

Re kopa gotlhe mo e seng ka gore re na le tshwanelo, mme ka leina la ga Jeso. Amen.